

四庫全書

集部

欽定四庫全書

五百家播芳大全文粹卷十六

宋 魏齊賢

葉 棻同輯

賀啟

宮觀使

賀觀使

闕

太師啟

何子應

伏審三師顯冊將分鼎坐之穹隆一札異恩聊假琳宮

之密邇上以盡羣生詳延之體次以全大臣難盡之名  
去就準乎古人體貌優于前代恭以宮使大資相公得  
天間氣為世真儒事業青雲彌久而彌大精神黃鶴愈  
老而愈清學通今古之淵源言得詩書之體要議論確  
全于國是勲勞力至于邦榮出入三朝任天下之重而  
不撓始終一節合聖人之和而有容當資秉國之權旋  
錫還朝之命士心傾屬帝意褒嘉法既變通唯宋璟能  
守以正時方紹述非畢公莫能厥終竚看盛禮之班庭

即慶元功之宰物某提携小器追琢餘材艱難士途者  
倏踰十年黽勉官事者實歷六考雖忠樸而自信奈孤  
拙以誰憐載循簿領之微蹤幸忝鄉閭之晚進執經隸  
業誦高文于齟齬之初歛板微官慕盛德于衣冠之後  
龍門就謁雖阻望于輝光鴈足修書固嘗通于姓氏敢  
謂無階之小子嘗形有味之溫言賜緘已重于袞褒傳  
誨更優于金諾區區敝帚此時儻享于千金奕奕明堂  
異日當叅于一本時寒在候冬令方行乞上體眷懷倍

綏福履

賀宮使蘇丞相啟

程子山

伏審屢貢需封懇辭揆路亟遂琳宮之逸仍兼書殿之華衆莫能留道逾為重恭惟某官天鍾峻德世服全能文章為一代之雄學術洞百家之奧逮持魁柄尤拊縉紳以芍藥之和調均鼎鼐以虹梁之任安固廟堂屬熙事之慶成援舊章而勇退開陳切至眷諭優隆既悃悞之難回始吁俞之方下長孺之承帝問宜在本朝仲舒

之請家居每叅大議某嘗叨顧盼素沐知憐竊觀去就之間爰盡初終之美撫懦衷而增慕非濡頴之可宣

賀宮使侯中書啟

翟公巽

伏審得請宮祠歸榮故里雖老成去國之易而明哲保身之全多士嘆嗟餞韓侯之出祖邦人慰喜詠季子之來歸恭惟中書正色立朝遠猷經國方崇鼎鉉之拜以正公槐之尊而乃深畏功名肆懷丘壑上章力懇解組如遺仰高行之絕倫聞餘風而興起乘安車而過諸子

未慕前賢揮賜金以娛故人用償夙志即膺宣室之召  
復佇袞衣之歸某荷眷特深辱知有素傾望塵之密邇  
獲擁篲以候迎炎暑正隆川塗尚阻

賀宮使

缺

大資啟

鮮于天質

伏審錫寵真儒增華舊弼使琳館真遊之秘冠金華道  
學之嚴聖哲一時士民同慶伏惟某官沉深端亮博大  
高明學洞本源緒十二經而不涉語默識叅造化擊三  
千里而未始去來出以同人則後進之宗師俯而應世

則古人之事業九鼎為之增重多士所以知歸維群言  
閔間于艱難之時乃一旦出公于寬閒之地必當起慰  
蒼生之望詎可往從赤松之遊召自江淮進陪帷幄同  
符厚德均體冢司事已絕于前聞榮固超乎近比甘盤  
舊學未更輔相之崇子房帝師不見詩書之蘊永惟具  
美宜屬宗功某猥以散材潛希樂育竊幸藿蠟之能化  
自忘商距之弗勝未識藩籬已有絕塵之嘆安知鑪錘  
空懷躍冶之私



賀宮使缺觀文啟

晁之道

伏審中頒名節入覲清光護琳館之真游侍金華之聖  
學側聞寵渥交慰輿情恭惟某官敦大宏通高明忠裕  
富以游夏之經術發揮唐虞之文章左右熙朝謀謨庶  
政積經綸化俗之丕績秉忠恪致君之小心暫處北門  
即歸中禁蓋眷嘉隆于舊弼而盛德宜在乎本朝多  
士所以知歸九鼎至于增重某久塵眷獎屢玷陶鎔聳  
動詔音適縻使事莫遂掃門之願徒傾賀履之誠

賀宮使太尉啟

晁之道

伏審中頒召節促近清光擁元帥之旌旄備弼臣之罷  
數密司琳館進侍金華百辟聳瞻萬方胥慶恭惟某官  
高明忠亮博大宏深掌握洪樞謀謨大政固已致主唐  
虞之上方且比蹤夔契之間復自江淮進陪帷幄觀聖  
上虛已待公之意與多士傾心仰德之誠實惟千載盛  
極之時宜建萬世無窮之業亦惟天意豈獨人謀某夙  
以冥頑誤玷陶冶屬外縻於使事方遠阻於賓闕竊與

萬物以同榮詎止微生之有託其為欣頌更倍等夷

賀宮使復趙待制啟

于子儀

光膺恩制進陟邇聯除目一騰公議僉允伏惟慶慰竊以國家簡拔俊望寵以延閣之華優禮近臣列于真儒之職非有名世瓌璋之價曷膺當宁待遇之隆恭惟某官杞梓宏材璠璣重器麗文典則名擅儒科道學該詳聲高藝苑屬聖主眷求於同姓俾公族方駕於時髦果得真賢仰符帝意行貳中臺之峻延登揆路之崇某猥

以庸姿素叨提獎已托亢宗之賜更依造物之私踴躍  
忻愉倍萬倫等

賀宮使

缺

叅政啟

晁子止

樂聖避賢願歸印綬過家上冢言反里閭釋政省之憂  
勞獲故鄉之安便難稽遠業暫逸真祠恭惟某官名高  
縉紳勲在社稷昨遇有為之會皆稱難得之時若不折  
夫虜衝漢則幾殆今猶傳于境外秦豈無人帝不忘于  
念功君將倚于訥誨為政者每人而悅誰復能然不知

者謂我何求公亦奚恨惟大臣進退之際本前賢出處之常溺者由已溺而飢者由已飢莫識胸中之志仁者謂之仁而智者謂之智一付天下之言某早被深知肯同流俗當將相和而士附自揆涼薄而安敢前及賓客哀而家居則思親近而不忍去輒懷管見仰測天心聘使頻來詎聽張昭之不在國家攸賴寧容裴度之常閒致仕

賀文太師致仕啟

汪彥章

伏審懇章得請褒冊疏榮辭二鎮之節旄仍三公之爵  
命功成身退于迓衡之日心廣體胖于佚老之初凡在  
聞知孰不欣仰恭以某官元精孕粹崧岳降神智足以  
照眇忽之先才足以當安危之計運籌將幄坐戢于五  
兵論道鼎司久熙于庶績風采想聞于今世聲名暴著  
于外夷望高累朝寵極一品方且優游故里嘯咏昌時  
屬二聖之紹休固舊人而共與雖高情傲物喻浮雲脫  
屣之輕然耆德在朝增大呂黃鐘之重中安車而入覲

副側席之詳延周公之老在京師豈私諸已裴度之事  
在軍國適膺其時果賴元猷一新初政九功于是咸叙  
四方以之無虞廟堂方倚于深謀泉石既形于歸思幡  
然而起非為利所以安邦浩然而歸豈收名欲以尊主  
進退必由乎義出入皆視乎天側聆繡袞之華近抵澗  
澗之澳涼臺暑館莫非綠野之餘怪石奇花率是平泉  
之舊足以探窮勝事恬養太和寓形閒曠之鄉放意舒  
長之日某夙叨士品嘗奉台光屬官正之坐縻阻門墉

之展慶乃誠欽抃實異常曩

賀文太師致仕啟

王介甫

明制閔煩安車歸憇位在三師之首名兼兩鎮之崇誕  
告敷文具瞻胥慶豈惟未契竊仰高風恭惟某官聲冠  
時髦望隆國棟天應時而生德帝考實而念功蕭何漢  
之功臣方叔周之元老寵虛莫二宜受祉之難窮懇惻  
有加遂留賢而弗獲瞻承雖阻企慕實深

賀劉太師致仕啟

程子山



力解繁機榮頌顯冊秩視公卿之峻名兼將相之崇罷  
絕百工慶流三族恭惟某官代天元氣為世真儒崇論  
宏言八載密裨于帷幄豐功利澤期年即徧于華夷方  
欣鼎餗之調遽露囊封之請上以閔煩而賜可自知何  
恙而不瘳慎厥始而成厥終疇能比績恍然辭而憫然  
應初無容心某久託鴻鈞項聞異數適阻江湖之遠莫  
遑階城之趨以公歸兮猶想周人之望為王留者誰知  
孟子之心氣候清和精神暇裕願益加於調燭用深副

於眷懷

賀韓少師致仕啟

何子應

伏審顯膺帝制峻陟師臣雖力解于繁機宜益隆于異  
數用眷四朝之舊永為百辟之崇恭以某官蹈溫恭之  
和躬久大之業識代天理物之體懷尊主庇民之心昔  
當二聖之倚毗遽以累章而勇退禮不容于賜几樂莫  
過于還家唯園丘之告成曾安車之迅召懇避侍祠之  
禮遂虛前席之思故宜品數之寵加以慰縉紳之係望

某限拘官守逖遠門牆竊欣新命之亟聞實倍常情而稱慶

賀韓少傅致仕啟

毛伯穎

伏審懇辭公紱得謝帝庭動四方之聳觀見大臣之榮事竊以時合而陳力者易功成而乞身者難故君子於進退之間使天下無始終之議伊誰能此全德在茲宜異數有加升拜師臣之重渙恩既渥乃兼書殿之崇垂耀士林光載史冊恭惟某官學窮道奧識照幾先正論

鴻辭侍清光於禁闥嘉謀亮節運大化於洪鈞係天下  
之重輕儼朝廷之表式力辭機柄確上囊封固宜諭留  
再三靳請十數安車駟馬既得乎高閒佳木清泉以適  
乎嘯咏超然至樂邈矣高風眷懷老成之人典刑斯在  
養此剛大之氣壽祉無窮某蕞德徒深辱知有素倍切  
賢哉之嘆仍動歸與之思

賀趙少保致仕啟

王介甫

抗言辭寵得謝歸榮由西省諫爭之官序東宮師保之

位殿庭鳴玉尚仍前日之班里舍揮金甫遂高年之樂  
伏惟某官懋昭賢業寅亮聖時伯夷之直惟清仲山之  
明且哲所居之名赫赫豈獨浚思爾瞻之節巖巖方當  
上輔遂從雅志實激貪風未即披承徒深瞻仰

賀韓丞相致仕啟

石守道

伏審挽留須衆懇請益堅亟辭金鑰之嚴將就里居之  
逸屬時圖舊從欲固艱諭旨丁寧還音絡繹伏惟某官  
文武全器忠嘉一誠端耆德以鎮浮攄壯猷而經遠股

肱勵翼綏四夷于先朝袞繡光華賁羣英于昭旦况乃  
堂構相紹增大家聲埴麓同音迭熙帝載虎符犀節出  
覘涵養之仁烟閣雲臺入應功名之會具瞻斯在勇退  
安能願承眷倚之深衷聊緩恬愉之雅意亦松游衍難  
增漢相之言黃髮詢謀勉蹈秦公之哲其為悃悞曷克  
罄陳

賀魏大叅致仕啟

宋文淵

懇謝領機龍頌殊渥冠崇班于書殿躋峻陟于文階方

時霖雨之賢進顯秉筆乃抗浮雲之義早遂掛冠帝惜  
老成之莫留士嗟明哲之難繼歷聖朝之舊輔全賢德  
之高明歐陽子乞身而歸乃罷政之後清獻公引年而  
去非釋位之初然猶野史屢書朝士交贊而况位方居  
于廊廟名正勤于彞鼎竦巖石之具瞻懷急流之勇退  
是為希曠孰與等夷恭惟某官命世碩儒與邦鉅哲佩  
龍淵之賜夙長文昌之六聯躋鳳詔之班纔下丞相之  
一等既任安危之重復為進退之光子房雖暫與赤松

之遊安石必更為蒼生而起某早蒙提獎晚荷陶甄望  
夫子之門牆自憐拘繫侍先生之几杖未獲周旋意傾  
向以彌勤詞鄙訥而難盡

賀趙大資致仕啟

曾子固

進秩宮朝歸榮里閤伏惟慶慰恭以某官言為著蔡行  
應準繩肩一德以在躬歷三朝而遇主讜言大論著在  
廟堂善政流風被于藩服引年求謝抗疏彌堅屢降德  
音方倚老成之重難回壯節閔有官職之勞躡陞儲衆



之華退遂居家之樂門開祖帳衆嘆大夫之賢庭列賜  
車自知稽古之力惟能諧于素志實何謝于昔人某早  
荷陶鈞與遊門館觀大賢出處之迹足勸人倫知儒者  
進退之宜敢忘師慕其為欣躍倍萬等儔

賀李少卿致仕啟

鄭故道

得請抗章以諧謝事為臣之義至此克終知止之風凜  
然可尚伏為慶慰恭以致政少卿儒林厚德士路老成  
守約而剛中體仁而利物豈止可行于州里亦將無負

于神明固嘗屢綰左符峻登列寺光華二節統制連城  
履歷之間事功彌力天台徧覽固知體靜而心閒東海  
既歸且免鐘鳴而漏盡某迹縻曾繳心畏簡書萬里故  
山但久聞於鶴怨九重迴漢空仰慕於鴻冥

賀夏守致仕啟

李致勲

伏審祇命拜嘉引年得請龍升郎秩歸老鄉閭凡在見  
聞共生欽羨恭以致政朝奉文雅飭吏廉平在公挹謙  
常戒于滿盈酌損固知于止足琅琅剡奏亟歸老以乞

身凜凜清風可激貪而立懦俞音獎勉寵數光華放懷  
泉石之間寓意雲霄之外弗替眷與紆貺函題欣頌惟  
深占言曷既

宰執除帥府

賀張丞相帥金陵啟

胡仁仲

伏審光膺制綍榮鎮留都起自東山蓋素推于雅望圖  
茲南土遂益振于先聲凡有知識于胥鼓舞恭惟某官  
當朝元老命世真儒學識東魯之淵源文擅西崑之氣

象方維奠位仰八柱之承天海宇重光瞻五龍之夾日  
關河響動宗社奠安名遂功成來游綠野神和志定久  
伴赤松唯用則行而舍則藏斯進以禮而退以義果逢  
盛旦圖任元勲至公若水生理如洗鸞坡鳳掖載嚴秘  
殿之崇班虎踞龍蟠全畀上流之重地運奇兵于掌上  
料强敵于目中百城咸肅于威聲四海頓周于和氣江  
山增勝疆場愈安凋戈淑旂允賴金城之勢玄袞赤舄  
即還玉鉉之司某仰望光塵拘縻職守潭潭公府比幸

遂于鳬趨兩兩台階即莫諧于燕賀隆冬載候景眈來  
宜願言茵鼎之調仰副鳬旒之眷

賀朱丞相帥紹興啟

汪聖錫

伏審輟從經幄就領帥藩還秘殿之隆名建行朝之巨  
屏逖聞新命倍極歡心恭惟某官德茂儒宗才優王佐  
高明淵懿之學素博極于羣書疏通雄健之文獨兼全  
于數器名喧宇宙會感風雲徧揚簪橐之華亟拜鈞衡  
之重遭時多故能人所難鄰敵長驅而談笑救寧當匹

馬渡江之日克渠作逆而從容處決成五龍夾日之功  
忠嘉昭宣識量宏廓久淹留于湖海實注想于宸旒袞  
衣繡裳方趨還于北闕朱旛皂蓋聊借重于東郊諒亦  
假途即還揆路某受知傾歲阻濶有年早荷鈞陶采及  
葑菲之下比紆印綬實慙糠粃之前承教匪遙向風竊  
抃方炎曦之在候屬旌騎之戒塗跋履之間節宣是禱

賀湯丞相帥紹興啟

李仲信

伏審疏榮顯冊倚重元勲天柱還歸釋畱宮之管鑰帝

城密邇擁會府之旄幢身獨繫于安危任靡殊于中外  
豈特三輔吏士睹漢相威儀之盛以至四夷君長仰晉  
公德望之隆恭惟大安撫大觀文僕射相公曠代鍾才  
際世蘊識商盤周誥夙高華國之辭蕭規曹隨更大經  
邦之業昨見臨於強敵上渴想於壯猷繫天下之心亦  
既歸于大老屬關中之事夫孰踰于宗臣逮龍馭之言  
旋解麟符之居守蓋北伐張仲在矣已資孝友之良故  
東郊君陳往哉宜付保釐之重維時越會為國輔藩式

煩舊相之臨用壯元戎之寄河潤九里惠并及於神京  
星齊三台柄即還于天宰某久蒙塊北逖望熒煌猥緣  
薄領之縻阻展門牆之慶

賀呂丞相帥永興啟

周彥質

伏審祇膺睿誥寵解台司陟秘殿之崇資開擁都之大  
府功成治定而歸其政名遂身退而全于天四海具瞻  
輿情欽羨恭惟某官受天間氣命世雄材軒昂為廊廟  
之倚毗出處繫朝廷之輕重自躋近侍益著徽猷屈伸



不替于初終夷險常持于一節越二聖諒陰之際方百  
官總已之初敷求哲人用集大命訪于落止厥維艱哉  
爰召越于坤維遂進叅于國政旋承綸綍聿正鈞衡卓  
然吐胸中之奇屹若任天下之重有周勃霍光之沉厚  
兼姚崇宋璟之斷謀異鞅鞅之少臣信堂堂之真相陰  
陽調協華夏乂安勲烈巍我典章炳煥方舉告成之美  
屢形均逸之休俄渙汗以明揚容偃藩而自適思建國  
者一百餘祀致位上宰者五七十人雖久任者三員亦

罕喻于九載盛矣今日之懿掩乎前人之休撫桑梓之  
舊邦釋樞機之重責詩書作元帥況儒者之極榮富貴  
歸故鄉亦昔人之至願喜動關中之父老歌騰隴上之  
耕樵揮金交里閭之歡飛盞遂家山之樂錦衣信美未  
忘補袞之思鼎足猶虛終假和羹之助遂綏福履永託  
陶鎔某夙荷殊私獲聞休寵

賀陳丞相帥閩啟

熊子復

伏審光膺新渥起殿大藩上宰方虛將共寧于袞繡故

鄉甚邇聊再擁于旄幢休聲不約皆同和氣非召自至  
實寵大賢之曠典豈循舊弼之彞章恭惟安撫大觀文  
丞相道術儒宗才猷國老仲虺為湯之左相早輔萬機  
申伯式周之南邦久臨七聚高寓紫宸之秩歸尋綠野  
之遊帝垂想于元勛民具瞻于碩德圖舊而任其政將  
復正于台衡接近而與名藩姑重分于師壺諒幕府方  
傳于號召而都門已集于班迎某猥以非才薦茲誤寵  
輔邦引疾本祈閒散之居潛府移麾更受劇煩之任幸

承前躅仍倚中權蓋黃霸潁川之教條洪纖異具而裴  
度興元之節制遐邇共尊方謹奉以周旋庶悉忘于愁  
恨

賀張丞相除帥啟

劉共父

眷懷舊弼誕播明倫還秘殿之隆名建上流之巨屏五  
侯九伯暫尋鉄鉞之征一日萬幾即正鈞衡之任慶闕  
宗祏喜溢神人恭惟某官道冠古今勲存社稷扶世導  
民之術本自得于詩書憂國愛民之忠已久貫于日月

當國家二百載中天之運正君臣一千年運會之期仗  
大義于板蕩之中變危機于呼吸之頃取虞淵之日功  
孰大於昌唐封函谷之泥畧更高於全蜀旣勒名於鍾  
鼎旋正位于巖廊方布德于兆謀爰整軍而經武誓清  
沙漠尅復神州然而功成者天道廢有命在我何憂於  
用舍於時實繫於重輕身雖退而道愈光望旣隆而忌  
益衆誰為巧舌敢肆流言曾蚍蜉之不量豈棟樑之可  
撼九夷何陋自安孔子之居四國是適久起周人之詠

斯文未喪羣枉聿消宜一人注想之深慰八表具瞻之  
望遙召還于南服聊臥護于北門何煩三日之報成即  
聽十行之趨覲多士聞風而起竚大老之來歸四方扶  
杖而須知太平之有日某頃緣恩契蚤辱記憐逮風波  
之橫興方羅織之肆起念寒暄候問無益于門下而事  
機傾伺或致于讒言缺然問牘之陳蓋亦三年於此仰  
止受恩之地未嘗一日輒移雖形迹之若踈尚衷誠之  
可鑒倘蒙畢照少追譴訶庶幾餘生永有依怙重念某

稟資劇陋賦命數奇蠢愚涉世之甚疎坎壈抱窮而未  
艾緣姓氏嘗汚于科籍故蹤跡遇籓于閨臺曾越日而  
幾何亦懼讒而遽去冒寵甘分于罷黜嘖言更玷于私  
恩俯仰懷慚跼蹐無措茲跼伏于里舍獲傳誦于策書  
自欣末路之零丁將託化鈞之塊圮收東隅之失意敢  
忘于桑榆賀大厦之成情方深于燕雀精神並揭悃悞  
奚殫

賀文太尉帥北京啟

缺名

孚號揚廷臨軒遣使出節少府授鉞齋壇夷夏聳觀兵  
民交慶蓋功業盛大則極名器而後稱惟德度宏遠故  
舉富貴而若無蔚為三世之宗臣豈獨一時之盛事恭  
惟某官道本天合德為人師信及三川之豚魚威加兩  
河之草木身任休戚言為重輕始若留侯弱冠而遇高  
祖晚同尚父黃髮而諒武王既奉冊書益新民德方將  
威懷北塞係頸長纓約束河公軌流故道然後入調伊  
傅之鼎歸躡松喬之遊輿論所期斯言可必某謫官有



限趨侍無緣踴躍之心宣寫難盡

賀韓司徒帥北京啟

歐陽永叔

榮被恩俞勉從懇請極便藩之寵命均休逸于名邦伏  
惟某官誠明發揮德業久大三朝顧遇百辟表儀挺金  
石之純誠當國家之大事上所取信有疑決于元龜民  
之具瞻為望重于九鼎屬聖神之嗣統方毗倚于老成  
而功高不居志確難奪爰并推于異數用顯答于元勲  
孰不秉旌詎有兼持于雙節肯嘗衣錦今而盛服于九

章極古今儒者之至榮保進退君子之全德某顧惟哀  
懦久辱知憐聆誕告于頒行極私誠之竊抃隆冬屆候  
大旆啟行伏惟上為廟朝精調寢饫

賀劉中書帥北京啟

陳仲思

伏審加榮舊弼改鎮北門歡聲所臨和氣自應恭惟某  
官高明而善下博大而有容才周文武之全故知無不  
為而將相並任識照幾微之本故事至輒應而功名獨  
階維河朔視三路為雄而全魏又四帥之冠遠鎮鄰敵

近屏京師凡留鑰之守臣皆秉鈞之元老而執事以四方柱石之望屬千載旦暮之期積告后之久勤茂安邊之新畧簡于睿眷迪茲寵光惟時別都實曰舊部民物飫承于德澤謳謠久竚于旌旄詔命既傳閭里相賀前知指顧驚號令之一新舊服威名覺河山之益重即諧嘉績歸用本朝蓋先正實佐昭陵號稱碩輔而執事總登宰席克振家聲縉紳莫望于清塵朝野實榮於故事某才既淺薄命亦奇窮譽未信而毀可疑志雖修而身

愈困嘗妄意古人之未學蓋竊師盛德之餘風顯成獎  
飾之言銘在肺腑陰受陶鎔之力將借羽翰顧夙心之  
獨違撫弱植而深慨茲承朝夕之乏獲依節制之尊倘  
許秉鞭遂諧發藥豈徒大慰平生之願庶幾不終小人  
之歸欣頌極深精誠並竭

賀陳觀文帥北京啟

滕子昭

伏審載嘉外庸申錫中詔眷嚴廊之舊弼極秘殿之寵  
名深倚壯猷仍司留鑰威懷彊敵慶動縉紳恭惟某官

博大宏深靖恭端亮攬輝天宇驚四海以先鳴振藻帝  
文冠二京而獨立領袖髦士羽儀盛時惟昭陵選擢以  
宜四時故先帝延登以熙庶績道契千齡之旦謀當列  
聖之心兼濟之才發為霖雨前知之識效若元龜是以  
踐夷險而弗渝極寵靈而愈泰雍容出處無間可尋烜  
赫功名滋久彌白薦煩妙畧留總全師雖少鬱于具瞻  
用仰寬於北顧行歸公衮入贊卿雲蓋選衆必屬於臯  
陶而用舊莫先於裴度一時多士詠德宇以傾心九服

嘉生跂恩波而矯首人情如此神聽可知某猥以疎愚  
謬塵引接收之已廢惠以不孤永懷莫報之大恩惟有  
少堅于晚節抱疴閭里驚慕藿之既深極目河山悵旌  
旄之獨遠但勤瞻頌載跼寢興

賀洪樞使帥金陵啟

陸務觀

伏審祇奉宸綸寵司留鑰龍盤虎踞坐增形勢之雄箕  
張翼舒頓覺精神之改望隆根本聲警遐荒恭惟某官  
學貫神明文周經緯鍾異祥于番水夙推命世之賢應

瑞識于螺州出擅濟時之輔早簡冕旒之眷徑躋簪橐  
之班視草鑾坡大手載傳于奕世判花鳳掖斯文咸萃  
于一門是謂儒者之至榮卓冠本朝之盛事既家聲之  
藹著宜衆望之攸歸遂自北扉進陞西府運籌制勝精  
神折千里之衝端委居朝文武為萬邦之憲方賴謀猷  
之告后遽存明哲以保身謝公獎慰於蒼生難從均逸  
裴度歸遊於綠野孰與成勞果奉賜環屢專分閭帝念  
當途之控扼時資舊德于鎮臨雖眷倚之甚優然帝綸

之未究爰保受釐之託式寬憂顧之懷威名肅而軍律  
具嚴惠愛孚而民情胥悅方將訓兵積粟備萬乘之時  
巡擊揖誓江贊九重之恢復深入風雲之會大輸日月  
之忠久切巖瞻即持魁柄某自愧鬼瑣久辱眷知擢第  
太常誤塵衡鑒効官偏壘復託帡幪欣聞顯冊之頒獨  
倍常情之喜雖深賀厦未遂趨隅小物克勤遠繼畢公  
東郊之命膚功迄奏願歌宣王北伐之詩

賀劉樞使帥金陵啟

熊子復



伏審召以追鋒委之留鑰神機宥府夙嘗贊于經綸天  
塹陪京還遂顯于總攝麟符愈重虎帳增嚴竊以十國  
為連當近機而特要八命作牧復舊弼而尤增宜秣陵  
衆大之區寄樞筦老成之輔恭惟留守大資樞密望高  
一代眷厚兩朝揮毫而萬象駿奔文上追于典誥運籌  
而千里決勝武外暢于戎夷一別帝宸三移帥壺比親  
籌于夙望付居守於別都穩駕高檣越洞庭而東下趣  
裝小隊望建業而北歸雖神甸匪遙固方資于河潤然

台宰尚缺宜早副於巖瞻某幸託餘輝欣聆異渥把麾  
有守阻展慶於崇墉美翰不工謾控忱于竿牘

賀王樞使帥江西啟

黃仲秉

伏審欽奉制綸肅更齋鉞西樞舊府顯天官一面之朝  
南紀上游寄大國三軍之命兼注安危之意匪殊中外  
之途立德立名甚善甚喜恭惟某官剛雄蓄德忠敬存  
心四紀服勤三朝著節愛民憂國自有從來樂事赴功  
未辭歷試英聲宣于夷夏高誼薄于雲天彈邪而白簡

凝霜次對而丹誠貫日爰寤聖神之主亟登宥密之司  
東臨建鄴之雄藩西鎮豫章之幕府橐堯戟纛豈獨壯  
于戎亭藻火山龍佇叅華于宰席消辰及吉視事云初  
風以琴薰月惟陽正顧體六符之眷先精五鼎之調瞻  
頌之懷敷陳罔既

賀王樞使帥金陵啟

楊祐甫

伏審起自祠宮典司留鑰文事必有武備兼資牧御之  
才地利不如人和所賴安強之德命從汲直喜動周行

恭惟某官博厚承天剛明有道張仲孝友獨流詠于中  
興許公文章最賞音于上意自再登于丹地旋首冠于  
紫樞居安慮危則威振於五兵講信修睦則志輕于萬  
里忠誠貫于金石勲烈被于鼎彝方將為王者師如周  
尚父乃棄置人間事從漢留侯幡然脫屣而還觀者岸  
幘而嘆雖萬乘重煩以政而四海思見其人爰畀上流  
不從中御保釐東郊者畢公之休命臥鎮北門者裴度  
之異恩服以上公露冕而章有德光于信史衣繡而歸


故鄉隱若長城坐固吾園某早陪簪橐晚被陶甄方間  
馬牛之風徒深燕雀之喜太山名重倍增百二之雄三  
台色齊顧應半千之運

賀魏大叅帥紹興啟

翟公異

懇辭機務暫領藩條聯秘殿以通班禮亦異數輔神京  
而作屏威不違顏播告邇遐聳動觀聽恭惟某官受天  
大降為民先知障百川而迴狂瀾俾傳正學洗萬古而  
空凡馬獨備全材自居獻納之聯已負弼諧之望回翔

甚久注倚彌深昨趨召節之嚴亟踐仕途之峻風采聞  
於天下朋黨去於朝廷以替尚書萬機之煩毅然退寵  
乃眷長安三輔之重聊爾均休縉紳益具于巖瞻輦轂  
大蒙于河潤彤弓盧矢姑作諸侯之師袞衣繡裳佇為  
天子之相某逖聞殊渥喜託餘輝仰止高墉尚有山川  
之間懷哉小壘自憐松菊之存願隨閭闔之細民同頌廟  
堂之老子意傾深切詞拙奚殫



五百家播芳大全文粹卷十六

欽定四庫全書

集部

五百家播芳大全文粹卷十八

詳校官編修<sub>臣</sub>謝振定

助教<sub>臣</sub>常循履勤

總校官編修<sub>臣</sub>王燕緒

校對官中書<sub>臣</sub>葉蘭

謄錄監生<sub>臣</sub>張護



欽定四庫全書

五百家播芳大全文粹卷十七

宋 魏齊賢

葉 蔡同輯

賀啟

宰執除帥守

賀楊太參帥本路潼川啟

李粹伯

伏審懇辭機柄連咫尺之天威出典侯封承丁寧之聖

意擁兩朝臺闕之望為西蜀家山之光鄉人歌舞於錦衣之前父老歡迎於車塵之下舊膺知遇倍切懽悰竊惟內外之勢本無重輕君民之心豈限遠邇內而贊治則百揆四岳共亮於天功外而長民則五侯九伯同尊於王室蓋無為已之私念獨有濟世之公心惟所在焉無不可者況今境土未收於三輔形勢蓋萃於四川當戰爭恢復之秋在將相出入之地望分東梓境接坤維宜惟資千里餽餉之功抑亦賴一方鎮撫之重恭惟某

官吾道先覺名世大儒步崑崙第一峰擅海宇無雙價  
飛聲金闕振藻玉除從容鸞鳳之班超越貂蟬之列力  
贊國是上結主知特仗出群之材專倚屏藩之力畢公  
在外乃心常念於周家裴度守藩每事不辭於唐政厚  
春陰於故國還夜直於禁林資一代老成之謀成千載  
中興之業某曩蒙異顧誤錄寸長曾向日邊獲掃門之  
為幸今從海角欲望塵而無階局促江干低徊吏責瞻  
南山之巖石空涉歲時活東海之波臣期在朝夕

賀虞大叅帥蜀啟

伏審詔輟宗工威伸遠服宅百揆而熙帝載方隆虞舜  
之疇咨整六師以脩我戎出耀宣王之常武蓋君子  
係安危之本而聖人權輕重之宜謂疆場無虞廊廟  
仰成於三事而國家多故股肱宣力於四方此旦爽自  
陝以分而申甫維周之翰我是用急初勸戎乘之啟行  
王曰邁歸已促介圭之入覲迨及我宋鑒於有周小范  
有胸中百萬兵西賊聞之膽驚破維弢上河朔十三策

北邊皆其手撫摩皆以柱石之大臣來任邊陲之重寄  
不圖今日復見我公恭惟某官學根帝王名震夷夏湛  
如止水蘊丹青莫狀之虛明格于皇天富間策莫傳之  
事業出入兼資於文武用舍無心于行藏綠野召還有  
欲王留者西方事重果為朕行乎蓋天降大任于是人  
故我獨賢勞于王事稍慰為霖之重望來紆旰食之殷  
憂誰期并給數千里之封復炫斗樞三十載之後惟忠  
烈典策而相望故保釐命畢之成終一宣道德之威可

卜明良之會絕域萬里吾折筆答之中原故疆可傳檄  
定也竚疇嘉績入秉洪鈞某自隱豹于蒙山幸續貂于  
阮舍久耳金甌之信未盼玉帳之趨遙跂前旌願依大  
厦葛巾羽扇吹渭水之秋風相印命圭賀桃李於臘月  
行臺多暇列昂孔嘉願益闕于冲和以上符於眷倚

賀文侍中帥河陽啟

蘇子由

力辭機務得請名邦恩禮便蕃中外慶慰伏惟某官輔  
相三世始終一心器業崇深不言而四方自服道德高

妙無為而庶務以成此朝廷所以遲遲于均逸之書而  
士民所以惓惓于保釐之命顧惟出處之義實係功名  
之終留侯志于赤松晉公安于綠野澹然自得夫豈不  
懷矧維王城密邇全洛政獨止於民社化有助于林泉  
道大難名信後來之莫繼民猶思治恐久安之未遑

賀梁丞相判建寧啟

熊子復

伏審懇避鈞衡屈臨屏翰紫宸加大官稱冠麟趾之高  
赤舄方來府望壯龍潛之舊亮功既久斂惠維新竊以

體貌宗臣豈殊于中外股肱要郡寔便于往來是故王  
沂公家于青而初辭機務則鎮曲阜之邦李文定世于  
濮而始罷鼎司則典繁昌之郡又況思皇多士夙皆冠  
於儒科圖任舊人繼悉還於宰職是為希濶孰與等夷  
恭惟判府大觀文丞相蘊藉真儒規摹良弼嗣保衡專  
商之美輔帝舜重堯之華播物無私轉洪鈞若轉圜之  
易禦戎有要折遐衝何折箠之勞方授神柄而推元臣  
迺睠鼎台而分新邑書殿之崇大學士由來為寵丞相



之恩板輿之奉太夫人況復有近家園之便苴蕡潛封  
而倚泰階之重袞繡華服而加畫錦之榮四國于蕃暫  
出均于燕逸百寮是式旋入冠于弼諧某猥迫衰齡浪  
擬劇邑嘗乞為祠觀香火之吏蒙許陶成豈意于學校  
薤鹽之生共依教育

賀陳丞相判本州啟

林豈塵

辭寵宰庭保釐藩服布衣而置上袞茲仕宦之至榮畫  
錦而歸故鄉迺富貴之極致傾朝歡艷載路游揚恭惟

其官器碩而量宏道方而事實絕體貌于簪紱之上會  
精神于庶陞之間霖雨作而大旱已蘇舟楫用而洪源  
久濟畫像麒麟閣當後人咸知其名奪我鳳凰池想中  
書不作此語蓋當軸久戒于滿假故責章願解于繁機  
能不伐而莫與之爭位既崇而必求其止明天子勉從  
厥志士大夫皆屈此行且丞相乞歸猶未許韋賢之請  
以本州相授庶少償嘉謨之功雖朝廷有繫於重輕然  
聖意欲均其勞逸輟鈞衡之任而暫臨都會釋梁棟之

材而姑借蕃宣爰載歌我徒我御之云歸豈特若某水  
某丘之可指于周而保南土因是謝人而遙行在晉則  
居東山當為蒼生而復起某跂聆顯冊喜溢叢衿自惟  
嶺海之孤蹤曾是坯鎔之舊物朱門畫戟未能曳賀客  
之裾黃閣清風願再入翹材之館其于歡頌曷以名言  
侍從除帥

賀許尚書帥蜀啟

程子山

伏審天開綸綍煥日月之休光雲擁旌旄動江山之喜

色德望久隆於八座威名今浹於山川翹首傾瞻刻心  
悚慕竊以禹貢惟叙分五服以正邦周制肇隆統十連  
而建牧誕揚聲教實賴蕃宣矧梁州奠而執玉塗山暨  
蜀道通而承流澧水文翁建學肇興齊魯之風庶范下  
車咸詠袴襦之政叱馭顯忠臣之操選材揚樂職之章  
自非夙著英聲何以遠追前躅恭惟某官羽儀王室黼  
藻人文炳靈自太岳之名宗鑒裁得汝南之品目早飛  
英於藝圃夙被眷於淵衷諤諤縉紳之楷模堂堂國家

之柱石卿雲呈瑞載史筆於螭頭紅藥翻堦代王言於  
鳳閣謀猷出納存膺喉舌之司事業贊襄克任股肱之  
寄出專方面隱若長城爰授節於文昌暫折衝於元帥  
南陽報政方騰愛日之休聲右蜀頒條已播陽春之和  
氣岷峩擢秀參并增光竚聽高吟一洗草堂之風月立  
臻美化再新石室之絃歌行竢衮衣之歸克副金甌之  
選普施膏澤咸慰具瞻某翹望履聲聳瞻巖采雪山方  
重盡欽嚴尹之來鼎俎若勤願獻王褒之頌

賀楊尚書帥蜀啟

耿元鼎

光奉宸恩勞膺閫寄況居屬部舉切歡悰竊以自昔雄  
藩首稱全蜀一十五州之士悉隸封疆數千里地之師  
盡歸節制實資厚重坐鎮浮華宣忠愛於遠方比倚毗  
之本意恭惟某官德基宏遠識局深純奕世功名不替  
忠臣之後歷朝議論共推仁者之言輟從喉舌之司出  
綰山河之捆綸巾羽扇暫寬憂顧之懷鼎席台階行副  
具瞻之望某備員屬部托庇下風忻懌之私叙陳罔既

賀陳尚書帥建唐啟

程子山

顯膺宸綽出鎮藩垣起鳩杖於安輿久著文昌之望刻  
麟符于瑞寶獨專方面之權成命始頒有識胥慶恭  
惟某官器巖鼎重德宇泰寧學窮游夏之淵源道冠孟  
荀之羽翼青錢萬中蔚為席上之珍丹桂一枝俯探囊  
中之物發揮妙蘊淹厯華津權衡高典選之公喉舌副  
納言之任謀猷告后方深眷倚之恩明哲保身遽露燕  
閒之請煥新資於寶閣備真祿于琳宮念牧民無越於

老成故謀帥特先於玉署矧秦淮之巨鎮寔江左之雄  
都坐收撫御之功式示蕃宣之寄漢祖之煩蕭相久寬  
西顧之憂周王之命畢公益固東郊之守佇昭名績進  
陟台司某溫竊郡丞正明公業捧觴薦醴阻効跡于鳧  
趨點翰濡毫徒馳心於燕賀其為頌詠罔既敷宣

賀陳尚書除帥啟

熊子復

伏審光膺明詔寵殿大邦兼制列城盡護諸將伏惟慶  
慰恭以某官受才瓌傑賦識融明忝輔政機早著三朝



之望勤勞王室雅膺萬乘之知體貌素隆勲庸甚盛果  
從祠館畀付帥權上方圖任舊人紹隆丕烈諒惟朝夕  
側聽登延申伯之式是南邦暫煩鎮撫山甫之保茲天  
子寔副倚毗藐是庸孱政依陶冶

賀葉尚書帥荆南啟

唐子西

伏審輟班常伯寵寄元戎內圖邃巖首預龜圖之秘上  
流要重獨顓豹畧之奇將士傾心敵人褫氣竊以漢江  
揚之南紀疆理是先荆楚晉之西門經營尤重蓋內接

金陵之天塹而外連玉壘之坤維宜惟守國之規模正  
得用兵之形勢肆疇傑望往殿會藩十乘先行亦既佩  
龍淵之劍一戎大定將定掛天山之弓恭惟安撫龍學  
尚書卓識際天精忠貫日岳降神而生甫卓為命世之  
才尹以道而要湯蚤負致君之學貳職版省則國計以  
裕導旨機廷則王猷以宣連八座於中臺方資率屬總  
十連於大府式賴幹方遙望兩都則故宗廟宮室洒掃  
有期盡護羣師則舊營壘麾幟光彩自倍某退惟踈拙

深荷眷憐雖謀帥安邊喜遐衝之坐折而知已在外嘆孤  
踪之疇依意嚮深勤辭訥難盡

賀吳給事除帥啟

熊子復

伏審妙簡全才特頒異數瑣闥入侍聳批救之高風蕩  
節遙臨運守邊之長策搢紳拭目介冑傾心竊以制匈  
奴者兩科誰執和親之利護長江者數處宜知險要之  
爭方呼韓款塞之未堅而淮甸宿師之既久用疇夕拜  
往視秋防營壘麾幟士卒無所更軍容要整障戍鎮守

車馬果自治敵釁可乘故雖輟從於甘泉何異親臨於  
細柳恭惟宣撫給事才宏而濟物器博而適時太上簡  
求早擢副端之竣嗣皇眷倚驟膺亞旅之榮中疇牧御  
之才出授保釐之命威不遠於咫尺福并蒙於京師茲  
履近班蓋圖大任塗歸是屬職同龍朔之舍人臨遣自  
殊恩用元和之故事方將布天澤而軍情暖于挾纊占  
地利而兵勢順於建瓴強將莫固於藩籬猛將共成於  
犄角經營次第迄用有成輔弼超遷其則不遠某逖將

漕計竦聽除音猥縻軺傳之乘莫覩橐鞬之屬意傾深  
切辭訥奚殫

賀秦龍學除帥啟

曾子固

伏審進叅內閣就正中權聳然休光服於衆聽恭惟某  
官智周物表識在機先䟽達變通之才早推於朝論英  
竒敦厚之氣實嗣於家聲惟先朝辟國之初而執事宣  
勞之際總齊邦賦已逾于三年攝領帥權名徧於諸路  
山川不離於指顧草木亦熟於威名故一朝䟽授鉞之

榮而舉軍恨登壇之晚幕府雖舊號令更新某積媿踈  
愚久塵盼獎妄意功名之會恥專文字之間倘許屬鞬  
獲伍西河之士猶能載筆往銘瀚海之師瞻頌愈深情  
誠罔既

賀王待制帥荆南啟

宋禹圭

伏審報政中都陞華次對密綬甘泉之法從雄鎮長江  
之上游頓寬南顧之憂共得左符之選斷由當宁喜見  
在庭恭惟某官才為吏師術本王佐剛誠百鍊試之而

所向無前器受萬鍾用也而尚虛其半召自武昌之詔  
入騰京兆之聲三府交稱十行渙號紫荷陞禁壺之貴  
黃金賜華帶之榮謂游办解牛即輦轂之下先彈壓想  
虛弦落鴈必樽俎之間可折衝誰謂公安乃得君重將  
衰然列置上衮須遠矣賢若長城落日樓頭想未歎依  
劉之對受釐席上顧已深見賈之思某謬沐知憐方承  
芘覆隼旟在望靡遑前綴于賀裾鳳沼遄歸尚幾先迎  
於召節其如欣頌罔罄敷陳

賀虞侍郎帥廣啟

張寵林

明詔顯揚雄藩徙鎮蓋冠冕久通于南極故斧鉞今下  
於青冥郵音一傳輿頌四起竊以踰甌閩而南為番禺  
郡自李唐以來若東西州萃崑崙西海之寶財宣北戶  
南冥之歌唱過城門已有數萬飲貪泉遂懷千金彼十  
賢之清政無瑕雖萬代而高風可激矧埏戶賈胡之雜  
處與洞丁蠻落之難馴惟有其文武威風可以為蕃宣  
屏翰選帥於此非公其誰恭惟經畧侍郎先生敦厚而



方嚴開亮而卓偉雄論通於國體清文煥乎皇猷紫荷  
索厭直于禁廬紅蓮幕榮開于東粵觀碁縱獵趣還峴  
首之旌旂輸羽種柑來省湘南之風俗方王怒赫北征  
之武然宸衷兼南顧之憂願借高名改臨盛府寓章善  
清官之舊厭承明榮直之聯龍戶集馬人來比美上日  
衙時之異擲牛生菌鷄下將興來暮去早之歌某頓以  
孤生託于下客踈逖幾經於歲籥浮沉難信於書郵因  
緣仕路之初登邂逅恩門之舊主桃李想故蹊之猶在

燕雀賀大厦之初成此非偶然亦有幸耳褰章服于上官之揖豈曰不堪操几杖從長者之謀自今以始春風  
駘蕩化日舒遲想旌旆之戒行願鼎茵之珍粢

賀劉侍郎除帥啟

李成季

肅奉明綸荐臨巨鎮當日之風流未遠宜民之歌頌猶  
新凡屬傳聞莫增踴躍恭惟某官誠身有道抗志不羣  
蘊經綸之才將兼善於天下富淵源之學又尚論於古  
人擢秀儒林飛英仕路早膺簡眷屢罄謀謨含香握蘭

迥出諸公之右登車攬轡益馳八使之名亟躋禮樂之  
司爰作詩書之帥載惟南楚先盛星沙夾輔畿中為屏  
翰搢紳之冠播宣嶺表帖華夷遐邇之情遺愛宛然去  
思藉甚寇恂河內居多願借之黎民黃霸潁川果見詔  
歸于舊治竊計朝夕入輔冕旒輿望所同斯言匪妄某  
千里蒙潤一枝偷安頃緣大旆之經過幸獲光塵之披  
覩第深山仰尚阻鳬趨慶抃之誠敷宣奚盡

帥臣

賀李帥啟

伏審行殿疏恩奉十行之綸綍侂藩作鎮權一路之節  
旌德與化隆望兼權重餘輝所暨善頌惟均恭惟某官  
冠世才猷除天器識注倚獨隆于睿眷清華歷踐于亨  
塗公忠之心皦如白日朝野之答穆若清風以卓犖絕俗  
之倫而經綸當世之務木牛紅粟總淮甸之轉輸竹馬  
黃童慶長沙之屏翰揆煩劇游刃有餘制變乘危政  
機無間眷五羊之興壤控百粵之上游非得二千石之

惟良曷有十四州之倚重移忠於孝從義以權佇觀五月而報成仰副九重之簡在明主獨觀萬化思贊中興刺史人為三公行膺峻擢某幸茲貳局屬在提封但負弩以趨承第搖旌而悵望其為欣詠寔倍等夷

賀范帥啟

李成季

光膺嘉命莅鎮雄藩受養利源適乘輅于東部統制方面遽握節於西州在君子之時升宜天下之同慶况居屬部良切懽悰顧惟安化之河關實據崑崙之衿背苟

知其策則天時不恃一失其節則疆圉屢驚必資忠智  
之臣以副朝廷之眷伏惟某官家聲著代世德在民阜  
有高明之才夙懷康濟之志爰輟禁從暫守帥垣人蒙  
奠枕之安國賴長城之固臥臨淮之轍可想遺風讀棠  
棣之碑何慙往躅竚還聞寄入贊家旬某限守州符阻  
趨鈞屏

賀李帥啟

周少蘊

抗章力請優詔曲從暫勞輸蜀之行益見回天之力恭

惟某官致知格物學道愛人親承西洛之正傳獨殿中  
都之諸老至於盤礴游戲之翰墨嬉笑怒罵之文章趨  
黃初而有餘嗟正始之復見飛騰遙路奚煩狗監之吹  
噓散落遐荒寧但鷄林之裁鑑比渙九天之號召已傾  
四海之觀瞻不俟駕行命義雖存于大戒可以理遣忠  
孝果得而兩全方帥閫之久虛以計司而分治而惟臺  
省清華之宿望加以山林高逸之雅懷一鶴一琴預想  
鈴齋之靜三薰三沐尚從藥市之游拚躍之深敷陳罔

既

賀呂帥啟

熊子復

伏審渙出宸綸，昂來帥屏，仍進實儲之直，以光英蕩之行。竊以六朝最重於廣陵，十國莫先於連帥。鷄臺瑩苑，瞻古跡之猶存；虎節魚符，睽兵權之特重。況今日方圖於恢復，而此邦素積於經營。築壘新城，乃上相督師之所募；兵北府實元戎，練武之都匪簡。瑰才曷堪隆委，恭惟安撫寶文檢詳道器宏遠，德宇靚深，膺冕旒之殊知。



歷臺省之要任接官睽於西府載糾愆違將使指於朝廷肆堅歡好復命甫朝於宸扆疏恩尋貳于計臺廣內天高進圖書之邃直維揚地重易淮海之雄藩某近列宗墉逖傳華渚有嚴節斧即暢望于光儀不腆緘滕敢預將於誠意

賀李帥啟

伏審載圖外庸荐賜中渥乃眷禁嚴之舊德往提關陝之全師節命既傳士民相賀恭惟某官才宏而濟博器

遠而周勤必照幾微之先能識文武之大理財富國極  
山積而川流制勝安邊每風馳而電掃效愈白則忌者  
衆謗雖巧而功愈明顧全雍之一方劇西京之三輔旁  
連楚蜀外控羌戎水陸輻湊而貨泉亟更民物阜蕃而  
儲蓄未稱寔藉智略仰寬顧憂眷三接之榮諒深當於  
帝意圖萬幾之重即允亮於天工某最為拙疎自安窮  
蹇正可出於跨下豈有畫於幕中方當仰窺營衛之嚴  
所以大慰平昔之望倘遂諧於發藥直有異于息黥

賀鄧帥啟

林豈塵

伏審旂幢遠邁原隰有光幕府新開絡繹交賀阻下當  
塗之拜趣脩記室之書恭惟某官愿樸而淵冲直方而  
開大高堅之尚得於卓爾剛大之器養其浩然故平生  
學術之自期皆今日仕宦之張本拒撐犂孤塗單于之  
命嘗聞未應為鴈警之詩宣繡衣將斧直指之威亦有  
安復問狐狸之語去惡如去草而勿使能植牧人猶牧  
羊而無令敗羣政適其中課居其最席使君厭東湖之

樂鄭尚書承南海之流方歌業業以徂齊爰喜番番而  
入謝姓名初記於廳壁謳歌競發於江城龍戶集馬人  
來事皆知其殊異研匣封印文合生將見於高春酌貪  
泉之水而清性不渝躬扶脊之祠而丹衷益謹去蚌復  
還於合浦沉犀可記於石門釋逋繯不啻二萬錢通夷  
舶何止四十柁五羊化石再傳仙人持德之祥兩鹿夾  
車當協宰相畫車之兆卽篋歸朝之疾詎容遮道之留  
某遭幸自天蒙恩有地遠莫陪於賀客喜益得于吾賢

矧獨憐驚蹇之蹤將有事奔走之役戍瓜可往行李尚  
遲酷類漂陽之酸寒誰說樊川之顛顚徒想其凝清香  
而森畫戟猶異其泛綠水以依紅蓮一時得人願在保  
平從事之列他年遺愛請陳譚環司草之辭

賀豐帥啟

朱廷玉

寵被恩綸樂司留鑰仁賢所至民吏相纏恭惟某官國  
器宏深天姿純正言動皆君子之法出處有古人之風  
早升要塗益聳清望道學有本得之自然政事不煩聞

者皆見惟別都之重鎮須近代之名臣克壯藩垣勤宣  
惠澤報政之速固無俟於期年為國之光將入升於近  
弼某素承知遇竊獲庇休顧望履之有期寔瞻風而自  
幸

賀李帥啟

鄭厚

轅門仗鉞埽狂寇之陸梁天陞出綸渙宸恩之優異廉  
印既還於舊貫左符仍渙於新題內聯八貫之官班外  
擁中權之節制寵兼三接榮冠一時除目所加僉言惟

允恭惟某官虎頭封相猿臂家聲凜朔氣以橫秋挺精  
忠而貫日雅量素推于邃密清風時見于沖虛抱節起  
家欲效鯉庭之訓以身許國遂多金印之祥埒淮陰背  
水之功邁翼德斷橋之勇比者山溪之際寇竊為羣蹂  
躪方州震驚生齒屬鋒車之入覲率王旅之徂征未經  
厯於旬時已殄殲於醜類初聞廟筭欣千載之難逢既  
策戎勛沛九天之峻渥果見功名於韓白佇觀政事之  
龔黃某頃以蓬蹤叨居蓮幕側聞盛舉良慰卑悰撫官

職之羈縻恨關山之遼邈賓陪引步阻觀森戟之陳驛  
騎傳音敢後擘牋之慶

賀沈帥啟

李知幾

總十連而謀帥欲寬西顧之憂護諸將以籌邊益懋中  
權之寄唯今日之重既歸之蜀而上意所指無以易公  
參聰明綸倍歡遠俗竊以去天數萬里且拏兵無休息  
之期提封五十州又仰食有供須之急重以三路之深  
入致此四川之益憂自非愛養根本而深不拔之基何



以撫集瘡痍而圖善後之計上所注倚者其或在此公  
肯遠來者固欲安之向風知歸頓足自喜伏惟某官聰  
明而夷粹肅括而宏深學術東遷孔孟以來人物南渡  
王謝而上昭回顯策助成西漢爾雅之淳剴切讜言共  
見三代直道之懿向者乘輶不測之使屬聞造膝方彊  
之陳乃今利害之甚明豈惟是非之方定尚遲爰立特  
煩此行聖天子元年奉禮樂臨遣之寵太夫人萬福承  
板輿燕喜之歡矧六閣峻西清之華而元戎將北伐之

舉徒得君重屈裴度親淮蔡之師無以公歸須成王正  
周召之位如某為生耽晚受性奇窮學省備員昔有青  
天披雲之幸泮林側翹今復飛鳥依人之心豈敢援嚴  
尹少陵之舊踪庶幾似東坡後山之前軌其為欣幸未  
易宣言

京兆

賀大尹啟

史天秩

出司真館行安去國之遲入守神州勉就治民之試即

函報喜海縣交歡竊以天子千里之畿京師諸夏之本  
水陸扼舟車之會衣冠當風俗之樞厯古開基建官作  
尹廉明有政摘發如神下筆不差于毫釐持法必隱其  
端迹既輦轂之下必先於彈壓然罪人所在尤重於平  
反必資鎮靜之流克治浩穰之寄恭惟某官天民先覺  
王佐奇才步武詞垣道山增重提衡銓選金鑑沉輝偶  
賢運之半千對天顏之咫尺羣而不黨公爾忘私仁為  
守而義為行合則進而否則退投閒乃分養浩益剛斷

自上心召還要地人莫涯其蘊猶渾金璞玉之難名士  
相賀於朝若甘露景星之始見暫輟調羹之手俾居揖  
板之聯為卿士而尹皇都以儒雅而飭吏事豪強斂手  
桴鼓稀鳴當堯舜五帝之時行張趙三王之職蕭望之  
才堪師傅本京兆以考功邵信臣名重朝廷自河南而  
報政真宰相此其選也大丈夫達則行之其祿荐卑棲  
韓門晚進尚濶披雲之覲空懷賀厦之心

賀大尹啟

何仲遠

伏審顯膺宸詔尹正邦畿名躋內閣之嚴職峻中都之  
任綸音誕布輿議交歡恭惟某官粹德表時沉謀經世  
識達後先之序才周左右之宜人望益隆主知浸厚棘  
廷議猷持平久著於四方天府試能報政豈煩於五月  
未淹浹日已煥除書輔神明赤縣之居方資練達直寶  
閣珍圖之秘上副諮詢飛揚張趙之英聲光大夔龍之  
遠業暫由三輔即踐中台頃以攝承嘗依隸屬側聞成  
命第切欣悰徒深燕賀之誠莫預鳬趨之列載惟瞻詠

蜀既敷宣

五百家播芳大全文粹卷十七

欽定四庫全書

五百家播芳大全文粹卷十八

宋 魏齊賢

葉 棻同輯

賀啟

都督

賀陳丞相兼都督仍兼宣撫啟 熊子復

伏以神旌北指方進取於中原天仗東旋獨仰成於上宰董

數路飛翰之旅慰兩河塗炭之民朝野歡呼華夷震疊竊  
以昔晉襲魏而崇都督之任故謝文靖以元臣總衆遂襲淝淮  
我宋沿唐而抗宣撫之權故韓獻肅以冢輔臨邊果屈靈夏曠  
古今而一遇邈前後以相望昨屬強鄰輒渝盟誓騎塹旣蒙於  
淮甸邊烽亦警於漢襄獨犯歲星之所臨咸料佛狸之必死  
獫狁孔熾用煩大駕以按臨徐方不日歸留上台而經略肆  
揚大冊兼畀重權蓋漢將多才賴陳平之盡護而蔡人新  
服資裴度之來宣恭惟都督宣撫僕射相公大業格天遠猷



經世胸蟠萬卷聊試出其緒餘掌玩四夷率皆得其要領時  
方無虞則裨贊廟謨而存持正之體世或有警則措畫邊瑣  
而高應變之才惟天闕于成功宜帝資于良弼比隨清蹕往  
視連營借前箸于張良屢決幄中之勝示輿圖于鄧禹時分  
麾下之軍方將施發蹤指示之謀布還定安集之政豈特使河  
南之復庶幾令漠北之空既浴方叔元老之壯猷誰謂匈奴  
中國之堅敵某夙陶垓北逖蔭熒煌靜觀形勢之張仰美規  
模之壯猥縻使傳阻造軍門相同德而迄天誅即致干戈之

卷十八  
戢秦虜公而定王國仍觀衮繡之歸

賀陳丞相兼都督仍兼宣撫啟

伏審疇浴上相經略中原運動神機董虎貔之諸帥布  
宣天澤弔鴻鴈之遺民威聲聞節斧之臨喜色見簞壺  
之近竊以陳平盡護諸將果收破楚之勲業度往釐征  
夫迄底平淮之績以帷幄之傑而授戎略于廟堂之宰  
而敷帝恩考之古今僅有一二況文昌之左輔總天討  
之中權蓋虞帝東巡方慰岱宗之望故宣王北伐獨資

吉甫之猷事有至難時弗可失恭惟都督宣撫僕射相  
公經邦任大濟世才高武王誕將天威有若閔天高帝  
能用人傑不如子房陪清蹕之時巡致穹廬之宵遁天  
旋日轉王曰旋歸霆掃風除敵斯殄滅屬吾元老成此  
大功方將俘馘名王灑埽陵廟遣戎兵以陟禹迹使吏  
士復見漢儀某馳傳所縻拜塵伊阻路車乘馬而覲天  
子咸仰容威袞衣繡裳而迎周公佇聆奏凱

賀張丞相兼都督啟

蘭巨功

疇咨元老省冠鴻樞自祖宗欲再相於舊臣先施此典  
宜神聖又一新於督府更舉徽章國重以德浮於位  
恭惟某官道侔三代之佐學闕百世之師即之溫然乃  
名滿寰區而不處識其小者謂才兼文武而有餘國論  
萬變而守如初孤忠百鍊而難于合代馬南牧折箠以  
覆其師袞衣東征投戈而拜吾父與其淹恤于邊閭曷  
若遙歸於廟堂蓋欲傾海以洗乾坤公之始願則不以  
賊而遺君父誓不俱生上勉殉于忠誠禮始崇于宥宥

關河響動華夏氣舒萬口歡呼孰不誦諸葛出師之表  
諸生延佇又將賡武公入相之詩某吏最言還郵傳聿  
至語心獨喜尚見太平於桑陰未徙之間引頸非遙行  
望餘光于槐蔭已成之下

賀呂丞除都督啟

李堯俞

再頒命冊誕告多方極三公保傳之尊總四海戎兵之  
寄注安危之兩意天子是毗備文武之兼資萬邦為憲  
允惟新命屬在宗公綸綍既行神人咸喜竊惟宰相之

用舍是係宗社之興哀考諸前人頗有異論好持重者以不言為有體樂清靜者謂無事為可宗且端拜廊廟而享太平何暇出旌旄而從戎事殊不知伊尹相湯而伐桀乃作阿衡蕭何輔漢以滅秦遂為丞相仰惟都督總是太師東晉獨王導首專其權南宋在義公嘗假其節豈特擅征伐生殺之柄且將貴綏懷招撫之方風動百蠻部分諸將任固隆于分陝威已重于專征恭惟某官勲冠百王道隆三事豺狼叵猾悉就誅夷草木微生

咸歸變理入則履赤舄而几几出則揚白旆之央央假  
八路經畧之謀兼二府樞機之要雖勞間寄仍領臺司  
某猥與斯民同依大庇其為幸願倍積悃悰

賀湯丞相都督啟

伏以首顓國柄併董戎昭馳中郎之使于單于將備正  
名之典兼太尉之官于丞相示恢偃武之圖萬里揚聲  
百蠻褫氣竊以搃兩科之見利漢固守以和親咨一德  
以視師唐必先于密宥蓋交鄰國有道而重啟邊釁況

用真儒無敵而匪緣兵威矧夫華夷要約之未堅江淮  
戎役之久暴用疇上宰悉護諸軍定功而不為貪功和  
衆而非以動衆雖採晉朝之官號寔符治古之師行東  
征若周公將是皇于四國北伐如吉甫本為憲於萬邦  
坐令聖武之昭自致人兵之屈恭惟平章都督僕射相  
公道闕百聖功冠兩朝輔帝舜以重華方值邊烽之告  
警佐有商而專美深虞甲冑之起戎議靡惑于拘攣識  
自叅于寥廓果堅上志允合民心廟筭不移厲節宜加



于體貌兵權是摠折衝正賴于精神收發蹤指示之功  
廣輔贊彌綸之用某夙陶鈞播益聳巖瞻四方時靡有  
爭會見甲兵之洗三公官不必備即聞袞繡之迎

賀葉都督兼樞密啟

白宋瑞

分憂宸極督戰江干諸將四馳競掃滔天之敵中原一  
混悉歸輿地之圖宇宙廓清神人歡喜竊以寇賊姦宄  
臯陶務正于典刑敵國淪盟孔子尤嚴于筆削蓋以豺  
狼之當道必率禽獸以食人此智者見微而預圖而仁

人感憤以流涕矧茲巨敵介彼朔方以其地則不大于  
周之蠻荆以其民則不敵于漢之甌粵驅馳徒衆糜爛  
生民清蹕翠華又駐東巡之駕載麾黃鉞未銷北顧之  
憂驚風吹射於四方虐焰流移於三紀謀臣策士嘗歷  
筭以周思悍卒武夫亦遊談于聚議雖曰礪乃戈而鍛  
乃刃孰能犁其庭而掃其穴豈知興哀撥亂之功苟符  
拯溺救焚之手恭惟某官洪深而肅括剛大以直方上  
帝降康特賴傳岩之說皇天眷命挺生崧岳之申高明

百世之師智勇萬人之傑自奮身于朝列尤切齒于寇  
讐固嘗登灞岸以望長安涕洟交集幾欲會涿郡而絕  
大漠寤寐不忘逮秉西樞亟圖北伐念衆人有所不識  
惟明主可與忠言廟謨朝奏于九天邊警暮馳于四鄙  
士皆阻駭公獨請行謝安當淝水之師了無懼色裴度  
董淮西之役敢計還期籌帷端坐于一麾軍氣頓增于  
百倍旌旂所指漿食爭迎前徒奔潰以倒戈元惡逡巡  
而授首斷鰲足以立四極射旄頭以靖八荒故國山川

盡入職方之貢賦中原父老重瞻司隸之威儀曠古所  
難非公孰克第功行賞當冠漢庭之十八侯裂土分茅  
行錫魯邦之七百里其迹遠六符之采親聞三捷之音  
上喜慰祖宗在天之靈下幸息羣黎塗地之苦河如帶  
而山如礪莫紀元功墨成海而筆成倉難形善頌

賀吳少師易節啟

毛伯穎

王者之兵本仁義方恢闢國之功天下之將通神明允  
賴扞城之畧折遐衝于萬里注睿想于九重治兵方積

于朔庭求士每開于東閣雖絳侯之得劇孟已坐致于敵情而許厯之謁趙奢猶願言于軍事爰自櫓槍之誓孛荐經薄海之沸騰率擅裘挽弓之民脅潢池弄兵之子荐為虵豕既攘秦地于神臯未取鯨鯢敢晚蜀都之沃壤仇讐密邇疆場多虞長戟勁弓難保山河之固靡衣媮食但期朝夕之安遠貽當宁之憂每重登壇之舉聽鼓鼙而思將帥之任賜弓矢以專征伐之威爰得偉人以付全蜀岷梁境土坐收奠枕之安衛霍功名僅陪

扶輅之後究觀古昔孰與等夷恭惟某官賦性沉雄挺  
資果毅隱若敵國典刑肅著于家聲賢于長城方畧力  
扶于帝室任既隆于分閭志猶切于請纓綸巾屯渭上  
之師繡帽識山西之將采詩書禮樂而成其利有智信  
廉勇而出以仁仰遵神武不殺之威盡得上兵伐謀之道  
橐𣪠戟纛肅中權後勁之儀鼓鐸獨饒致布令陳辭之  
用兇渠震攝羣醜追奔細柳營屯但聽亞夫之令曲梁  
行陳孰干魏絳之刑思屬風雲威加草木廓清氛祲何

止勒燕然之銘宣暢威靈固將繼營平之頌申信賞于  
山河之誓叅休聲于金石之和不日而成惟天所授某  
哀遲末路冗散下寮雖從齊魯之師儒頗慕秦梁之節  
義金閨通籍遙懷鉛抱槩之流油幙充員無飛章馳檄  
之效久積依劉之願遂諧御李之榮寔獲我心云胡不  
喜洗心滌慮倘陪鈴下之簪裾頌德歌功願備囊中之  
翰墨

賀張督都啟

張少瑜

遵命廟謨按行邊殞文昌上相光臨牛斗之墟太一靈  
旗潛正鯨鯢之戮岳祗脩貢湘后靜波縱巨艦之千艘  
來長風之萬里賦青丘而吞雲夢遂播前歌登灞岸而  
望長安方觀盛舉氣溢地表喜動天顏中興可期天下  
幸甚恭以某官精忠貫日勁節橫秋論思自結于主知  
康濟累陪于國是虞淵靖難并絡宣威整頓乾坤實社  
稷萬年之幸用作霖雨蓋君臣千載之逢揆路揚輝斗  
樞兼運四海之亂離瘼矣敢憚于行重湖之戶口蕭然



請觀其變齋壇受鉞柔日建牙望實所符神人攸相仁  
風義象初不待于交兵兇渠逆傳旋即聞于授首信威  
殊俗振旅還朝晉公之威譽已隆既平淮蔡蜀相之忠  
心益壯當定中原方與士夫同茲勲伐某侵尋晚景孤  
苦餘生榮養不留明恩未報膚功咸喜敢誦吉甫之詩  
來事可為願贊燕然之勒路遙北闕氣爽西山異精五  
鼎之調式副六符之倚

宣撫

賀楊郡王除宣撫啟

伏審簡在宸衷倚敷廟算諒武王而肆伐已高尚父之  
勲命名虎以來宣庶盡淮夷之寇搃熊羆之列將拯鴻  
鴈之遺民萬里揚聲百蠻褫氣恭惟宣撫太傅郡王才  
長而慮博任大而眷隆高密元勲冠漢室中興之將汾  
陽偉業為唐將異姓之王勤勞久扈于岩除威譽還馳  
于沙漠比提禁旅屢破敵兵屬大駕之還歸付中原之  
經畧方將布天恩而軍情暖于挾纊據地利而兵勢順

于建瓴瞻望兩都則故宗廟宮室灑掃有期指揮諸將  
則舊營壘麾幟精彩自倍某猥縻驛傳阻拜轅門四方  
時靡有爭看即清於王路三公官不必備還遂陟于師  
垣

賀樞使除宣撫啟

劉子駒

聖主乃眷北方慨然南面而嘆諸將未有所屬命我西  
樞之臣往臨漢中鎮服境外豈徒連營喜而動色固亦  
敵國畏而寢謀諒天啟于睿衷使公畢于能事蓋新安

之晚歲頗失統御之和況武興之重屯莫知斗伍之數  
盡除斯弊今正其時恭惟某官深被簡知再居宥密必  
為國家畫經久之策遂于疆場圖備豫之方宿兵三邊  
而部分未甚明拓地萬里而緩急何以守莫若坐轅門  
而申令得超軍伍而自言各相推舉足以見議論之公  
退加考察然後究才能之寔昔周世宗於是拔以賢而  
為何徽之代近曲將軍以此選于衆而得吳玠之才既  
擇良將而付之戰攻又建強藩而為之扞蔽果令形勢

可得而恃則免倉卒不知所圖是為節制之師悉據要害之地明公可歸廟堂而端委有事則出羽檄而指揮一定規模但觀機會當寧垂衣而何慮震區奠枕而不憂率土之濱莫非王臣兼可收于故地生民以來未有夫子孰得比于元勲某竊願明公之名高出古人之上輒陳鄙夫管穴之見皆本當世縉紳之談敢冀高明或垂採納

賀王殿學除宣撫啟

馬子才

神旗翠蓋方展義于江吳大纛高牙實寄賢于岷蜀采  
簪紳之宿望伏樽俎之宏謀長城巨防致邊烽之帖息  
輕裘緩帶見民堵之歡呼鼎彝力奏于隆勲篋櫝兼收  
于遺雋擊轅拊缶雖慙白雪之音彈憤振衣願附青雲  
之足恭惟某官明堂杞梓清廟璫璣學問淵源博聞強  
識之君子智謀經緯簡德易業之賢人戎昭累試于价  
藩譽處獨高于清橐屬聖主念坤維之凋瘵命大臣申  
弭虎之撫綏讀書命于行臺儼軍容于天府轅門玉帳

精神折於遐衝羽扇綸巾謀慮愴于勦敵不愆于素克  
壯其猷朱英綠縢益盛魯公之徒旅彤弓茲矢將錫晉  
侯之典章丕昭帝圖懋建臣績某瑣才弱質懵學局聞  
耻湮替于家聲冀徊翔于藝苑我冠結綬幸隨芸閣之  
員抱慙懷鉛誤玷蘭臺之侶株愚自守藍縷無成比牒  
併名皆踐公卿之貴閉關却掃盡謀田里之歸未成三  
徑之賢猶苟一麾之祿念獲親于言笑深願就于範模  
雖抱影于空廬每馳情于交戟鳥則擇木果依嘉蔭而

棲魚潛在淵當幸餘波之潤

賀虞尚書除宣撫啟

邵公濟

光奉制詞併疏典禮分符節而出使錫鈇鉞以專征進  
龍閣首冠於羣儒升虎帳大護於諸將慶闕宗社歡動  
神人恭惟某官博大宏深高明忠恕揚歷三朝之舊進  
登八座之尊家傳素書國有青史夙奉間燕之對初不  
言兵終建保蜀之勲自能却敵異論薦興而功愈白邪  
說中熾而道益尊雖滔天之甚危欲毀日而安可公不



為動上果無疑惟君臣賢聖之相知實天地鬼神之陰  
相宣王止勤于北伐周公正賴于東征當上命之初頒  
均下情而共快勅敵望風而退舍齊民指日以奠居人  
若更生師占貞吉某盤跚不進結約無奇悼一飽之何  
時窘千憂而繼日官已辭于州縣迹將遁於山林恐終  
負于吹噓每自傷其流落裴度之平淮蔡得退之以載  
頌詩李晟之復長安屬公異而為露布顧茲文翰之美  
實為賓主之榮念欲報于大恩或有須于末役自慙

不武敢曰論文果獲紀于成功庶得陪于盛事

賀虞宣撫啟

李仲之

聖天子明見萬里深軫邊防賢宰相外撫四夷式酬睿  
意大庭敷命諸夏傾心竊以坐廟堂而進退百官者臺  
輔之權鎮方面而鞭笞羣兇者將臣之事內而身臂之  
使指外而手足之捍頭任有不同才惟各稱成王造周  
而西處一相王導輔晉而出督諸軍何荆揚輟輔弼之  
臣蓋朝廷重本根之地雖王道治近不治遠然聖人視

外猶視中禮樂固任于邇臣詩書亦謀於元帥然抵掌  
鳴劍者武夫至於輕敵而雅歌投壺者儒臣足以折衝  
故羊祜鎮南夏則陸抗深服其威祖逖據譙城而石勒  
不敢為寇是宜外閫咸寄重臣恭惟某官天下偉人本  
朝元老學者山斗國之蒼龜忠義出於本心文章特其  
餘事曩長江之開釁致寇盜之憑陵百萬克徒衆寔繁  
于淝水二三大將誰有志於伊吾遂從言語之官出總  
師徒之任此方圓棊而對客謂尺蠲之可答彼欲投鞭

而斷流竟隻輪之不返凱歌既奏袞衣以歸旋持西府之權許奉東征之使隱若敵國賢於長城俄別玉屏歸調金鼎中國相司馬而無生事已折敵心江左有夷吾而復何憂卒歸朝望志常在於報國心豈樂於愛身更欲安邊而立功名不忍留賊以遺君父爰上封章之請即加節鉞之榮顧方欲結於兩官暫須取護於諸將左右師保之永賴出入將相之有餘草木已知其威名乾坤更賴其整頓天其或者生晟本為萬人帝曰欽哉倚度

足破方鎮某師門曲士洪造微生獲于聖時逢此盛舉  
十陵祖考之咸相三秦父老之喜來還中原之舊都行  
獎三軍之衆空朔庭于塞上佇觀一舉之功

賀王宣撫啟

李仲言

天子明見萬里寬歲時西顧之憂地官用知九州尚使  
節東歸之役惟去留輕重之注意故內外彼此之無心  
蜀道十年其已久矣漢廷一札尚且遲之安敢飾瑣瑣  
稱慶之言特願致區區遠來之說某聞仁義之論至近

世言之而無補財賦之路在司省取之而益深十萬告  
行大將誰知力辦千金取倍一日安可緩圖勞心于木  
牛流馬之煩巧計于水舟陸馱之苦愛民則兵匱養兵  
則民窮古來計通變之才竟無兼兩全之策豈有兵出  
期年如太平無事之日財歸外府無一錢意外之求智  
名勇功清議甚白遵王權伯微意不傳成規燦然端可  
百世而不易陰德大矣豈但千人之必封某又嘗聞遣  
使寔難在古甚重于平時道達德意尤不可忽矧兵間

指授將帥豈曰姑行近者官軍卷甲敵境可為寒心  
苟非王人仗節閤門立致解體此何止吾蜀之利害固  
多繫宗社之安危唯公智識之高當時擾攘之際不獨  
裴度淮蔡三州之重要是春秋四海之通久留無嫌何  
以為報會且歸矣社而稷之恭惟某官學明而氣高才  
博而意遠元祐之降得南豐豫章之正傳永嘉以還有  
茂洪安石之可恃如五福太一之臨蜀若長城百萬之  
折衝荷橐陞榮念法從貳卿之甚眷袞衣賜服當樞衡

兩府之久虛某之此來公尚幸見陪下客以學為政庶  
幾一言終身之依開東閣以招賢人端欲異時九鼎之  
重其餘欣詠未究敷宣

太尉

賀蔡太尉啟

翟公巽

伏審詔制廣西蠻洞納土置南丹州幅員萬里冊詳太  
尉者臨軒用樂以答元功告廟策勛以崇盛典蓋名器  
以實浮而增重惟德量故寵至而不驚戎夏聳聞神人



溢喜古者天子有道守在四夷賢人在朝折衝千里維  
時巨室必有世臣使其國勢之輕重繫于存亡人才之  
盛衰視其進退宗堂遠地知庶陛之難攀猛獸在山歎  
藜藿之不採當今之世捨公其誰恭惟太尉輔翼聖朝  
股肱帝室躬回天之勢而人主不忌有益世之畧而天  
下莫爭乃眷蠻方悉歸輿地闢國百里顧豈尋常通道  
九夷比為狹隘用能當四輔三公之冠專五侯九伯之  
征兼軍國之異容極將帥之隆數來威有克壯之元老

無競似烈文之辟公而況今者符貺並臻君臣歸美敘  
嘉祥以誕敷弘業興雅頌以文致太平主上虛已以聽  
公明公宏度以鎮物叶此羣后之讓永觀晟樂之成歸  
如九鼎之安靈承帝萬之固

賀呂太尉啟

葛魯卿

伏審集路朝之班誕揚制命出少府之節榮付帥垣輟  
秘殿儒學之英提和門韜畧之要上心圖舊輿論交歡  
恭惟某官資武以文氣剛而塞綽有亨嘉之會了無面

從之咨早識拔于先朝嘗參持于大政入而訐謨在宥  
非臯夔之策不陳出則談笑臨邊比方虎之才何歎矧  
敵騎縱橫之際當彊圉扞禦之衝撫是瘡痍奮為貔虎  
將五權而兼用月三捷以告功增秩賜金屢回于睠注  
登壇受鉞尤示于褒崇某夙荷知憐數承眄睐側聽都  
俞之寵良深抃懌之懷其在詠思曷勝敷叙

賀張太尉啟

崔德符

伏審誕頒宸制寵陟將壇喜氣光朝歡聲載路恭惟某

官直清博大沉厚高明出入五朝身任四海之重雍容  
三省望均九鼎之崇留總全師薦禰累歲繕保勝安邊  
之策百廢具興奮鉤深致遠之威敵謀自寢果聞顯渥  
敷告自朝豈獨光昭于弼臣固已聳震于遐裔名藩巨  
鎮固人情之所共榮而大纛高牙在儒者乃為可貴仰  
名寔之具美揆古今而罕儔始游翰墨之場嘗光四海  
之英俊逮徧機衡之任遂秉一方之節旄凡此致身富  
貴之功寔惟兼資文武之效元老全德夫何方虎之敢

倫遠馭長馳必適周召而後止某被眷惟厚受恩最深  
方依節制之尊未恨身名之晚其為欣抃更倍等夷

賀呂太尉啟

黃金聲

勲書盟府寵錫師中朝野僉諧華戎同慶伏惟某官本  
朝元老名世宗儒傳孔孟之微言藹皋夔之素望廟堂  
餘事何拘文武之方江漢奇功無取干城之末豈特復  
近年之棄地蓋將補前代之拙謀九壘相望隱若金湯  
之固七軍用命坐收茅土之勲然登壇于二紀之前受

鉞于百罹之後果有天工之陰隲何須人事之多途白  
翟烏延久任有同于里社碧油紅錦晝歸終遠於鄉閭  
少紆籌算之衡固卒混同之業甚少馳鴈塞晚以熊湘  
行吟於楚澤之濱賈勇於漁舟之上樓船下瀨難施矍  
鑠之能袞職東歸敢獻穆清之頌

賀劉太尉啟

程元裕

伏審顯承制命榮建干旄公議所歸輿情交抃伏惟某  
官秉心忠厚率履端修威名久著於邊郵眷任素隆於

中宸果膺異寵顯靈元戎某首承翰襃之勤第切惓惓  
之愧凝寒在候珍賚是祈

賀辛太尉啟

綦內翰

出宣威命起進使權肅提貔虎之師撫鎮甌閩之地先  
聲所被屬部知歸恭惟某官學勤韜鈴家傳旄鉞威名  
馳聞外常坐折于遐衝氏族冠山西夙有聞于當世久  
從艱險備著忠勞暫寬南顧之憂即正中權之拜某傾  
聯從橐每接朝裾方得請于符章遂託安于旌節驅攘

暴亂已聞鄙境之清蘇息彫疲佇慰部民之望其為欣  
幸難盡敷陳

賀文太尉啟

方雲翼

伏審誕布冊書榮更將鉞衍封多賦增秩上公聖朝褒  
德而錄賢勛臣加地以進律遯聞休命良切忭悰伏惟  
其官皇國表臣天元間氣夙稟忠嘉之德尤高文武之  
能先帝秉賢早叅于機務聖王圖舊久付于邊權殄逆  
鄧于羌夷震先聲于臨夏強梁褫氣獷戾悛心請為藩



翰之臣永獻河山之誓方銘功于彝器宜紀像于雲臺  
歸冠案察叶調鼎鉉某塞垣庀事慶牘後時遐企卽麾  
第勤心目其為抃仰未易究陳

賀文太尉啟

程子山

光奉制書榮加寵命伏惟慶慰伏以太尉相公天資全  
德岳降上靈黃石一編早拜神傳之妙傅岩三命式符  
帝賚之祥爰自蘭鐙訓兵齋壇謀帥伏波方畧既暗合  
于孫吳卻穀詩書遂率先于狐趙而鑿門受律堅壁防

秋斬級雲中克清氛祲散金廡下大振威名旂常備載  
于勲庸屏翰益光于倚注式分右地爰踐中臺申伯蕃  
宣諒夾輔于周室段干偃息盖卧治于淮陽今者肆類  
郊丘推恩方鎮進掌武之秩用冠三公加食采之封更  
踰千戶表聖朝之尚德見明詔以褒功慰四海之具瞻  
寔九鼎之增重某分庭納贄雖殊荀范之衆人賀厦翹  
誠莫預申陵之下客欣戀之致倍萬等夷

五百家播芳大全文粹卷十八